

Ministerio Publico a bira demasiado cuestionabel

Ley nobo pa Ministerio Publico ta urgente!

*Autoridad mes por stroba husticia worde haci

*Casonan cu no yega Huez, no ta soluciona

ORANJESTAD(AAN)— Mientras e Procurador General Interino, Nico Jorg, a lanza su mes como cambiador di Leynan y su promer acto tabata esun di Ley di aborto, e Ley cu Reino mester cambia urgentemente ta esun cu ta regla Ministerio Publico. Historia a proba con Ministerio Publico por stroba husticia.

Durante Hendrik Croes, hasta un Procurador General cu a muri casi den Corte pa motibo di un tumor cerebral y asina a worde manipula pa Gobierno. Fiscalnan cu no kier a colabora a worde persigui mescos cu ciudadanonan inocente, mientras e Procurador General moribundo hasta a manipula e caso di droga na aeropuerto. Awor Aruba cu Rudy Croes como Ministro di Husticia, ta worde presenta cu actonan den cual un Procurador General a percura pa mas denuncia no drenta y a stroba e caso Rudy Croes bay Huez, caminda husticia ta worde haci. Urgentemente mester cambia Ley pa tin husticia na Aruba.

Loke a pasa ayera, tur hende tabata spera. Tabata conoci cu algo a socede cu e denuncianan contra Rudy Croes y cu tur e

“tecnicidadnan” di e Procurador General Interino, no tabata nada mas cu un forma pa scapa su mes di e situacion.

Mientras ta di lamenta cu e actual Procurador General Interino a continua cu e caso si e tabata sa cu ya Teresa Croes a manipule, hecho ta cu pasobra bau huramento esnan involvi lo no aparece dilanti Huez, nunca berdad lo sali na cla.

Mester introduci un Ley urgente, manera mas y mas ta worde exige pa abogadonan limpi, cu ta haci posibel cu por entrega un denuncia inmediatamente na Corte di Husticia of un Corte di Apelacion special di Reino ora resulta cu un Procurador General of Fiscal, comete un acto cu ta stroba e denuncianan riba cual e

investigacion ta sostene, drenta of ta duna sosten of oportunidad pa denunciante nan hala nan mes atras.

E tactica aki ta worde haci solamente na paisnan dictatorial, caminda Procuradornan General na promer lugar ta sirbi e Gobierno y no Husticia, pero ta completamente contra constitucion di Aruba.

For di momento cu Teresa Croes a bini dilanti pa adverti cu tur cu entrega un keho contra Rudy Croes den e caso di compra di permiso, mester tabata posibel pa tur cu ya a mira e caso muri, a bati na un porta pa denuncia Teresa Croes di stroba un investigacion. E tenor cu loke a socede, a haya refleho riba e denuncianan cu tabata aden, ta worde confirma den

loke Procurador General a trece dilanti ayera, cu tur esnan cu a entrega denuncia a “cambia nan palabra”.

E comunicado di ayera tabata confirmacion di loke DIARIO a anticipa, mientras ainda por mira cu Ministerio Publico no ta actua contra Ministronan y awor ta bini e hecho (cu tambe DIARIO a pronostica) cu Namdar no por worde haya mientras tampoco por a pone Rudy Croes papia y exigie colabora cu Ministerio Publico y duna e nomber di e persona cu supuestamente a dune informacion riba un acto criminal.

Historia di e pais Aruba a demostra cu mester bini cambio di Ley y cu no por permiti cu Ministerio Publico ta evita cu casonan

cu nan kier, no ta bini dilanti Huez, mientras casonan cu nan kier si nan por investiga profundamente manera a socede cu e caso di computer di Ministerio Publico mientras den caso di esnan cu nan kier por bay mas leu y promer cu un persona yega dilanti Huez, permiti pa e worde destrui pa motibo di acusacionnan.

Den pasado, tempo di Ministro Hendrik Croes, Ministerio Publico ya tabata un herment di Gobierno, cu tabata persigui inocentenan mientras caso grandi mes tabata scapa.

DIARIO lo bay papia cu diferente instancianan den e proximo dianan pa bini cu informacionnan concreto con por logra cu husticia no conoce obstaculo mas!

VISJE KOMT ZO!!



BEST DEAL

Tel: 5827100

(Pariba di Aruba Bank, Paradera)

Etui pa skol diferente tema

Cuminsando for Afl. 1,95